



## CONCELLO DE CHANTADA

### MEMORIA EXPLICATIVA DO PROXECTO DO ORZAMENTO XERAL DO EXERCICIO 2022 Artigo 168.1.a) do Texto Refundido da Lei Reguladora das Facendas Locais

O proxecto do orzamento municipal para o exercicio 2022, que se eleva ao pleno da corporación en cumprimento das disposicións vixentes ascende, no estado de gastos á cantidade de 6.722.632,12 €, e no de ingresos á cantidade de 6.722.632,12 € en consecuencia, o referido proxecto non presenta déficit inicial.

Concluída a elaboración do proxecto de Orzamento Xeral do exercicio 2022, seguidamente expónse o seu contido, comezando polo **ESTADO DE INGRESOS** desenvolvido por Capítulos, para o cálculo do cal se tiveron en conta os importes que se prevén liquidar por aplicación das Ordenanzas Fiscais, pola Participación nos Tributos do Estado, pola transferencia procedente do Fondo de Cooperación da Xunta de Galicia, por subvencións e transferencias provenientes de diferentes organismos e polos demais recursos que integran este estado do Orzamento.

Hai que sinalar, tanto para o caso dos ingresos como dos gastos que integran este documento, que a súa elaboración se realiza de acordo coa Orde EHA/3565/2008, de 3 de decembro, pola que se aproba a Estrutura dos Orzamentos das Entidades Locais, que foi modificada mediante a Orde HAP/419/2014, de 14 de marzo, aplicable a partires do 01 de xaneiro de 2015.

<i>ESTADO DE INGRESOS</i>		
RESUMO POR CAPÍTULOS		
CAPITULO	DENOMINACIÓN	EUROS
1	IMPOSTOS DIRECTOS	2.661.496,56
2	IMPOSTOS INDIRECTOS	75.800,00
3	TAXAS E OUTROS INGRESOS	631.977,14
4	TRANSFERENCIAS CORRENTES	2.919.929,01
5	INGRESOS PATRIMONIAIS	9.900,00
6	ALLEAMENTO DE INVESTIMENTOS REAIS	
7	TRANSFERENCIAS DE CAPITAL	438.529,29
8	ACTIVOS FINANCEIROS	
9	PASIVOS FINANCEIROS	
<b>TOTAL DO ESTADO DE INGRESOS</b>		<b>6.737.632,00</b>

**CAPÍTULO 1.** Os impostos directos comprenden o Imposto de Bens Inmóveis, o Imposto de Actividades Económicas, o Imposto de Vehículos de Tracción Mecánica e o Incremento do Valor dos Terreos de Natureza Urbana. Os ingresos que proveñen destes impostos directos ascenden a 2.661.496,56 €, o que supón unha diminución con respecto o último orzamento aprobado motivado principalmente pola menor recadación do imposto sobre o incremento de valor dos terreos de natureza urbana.

## CONCELLO DE CHANTADA





## CONCELLO DE CHANTADA

**CAPÍTULO 2.** Os ingresos dos impostos indirectos proveñen do Imposto sobre Construcións, Instalacións e Obras por importe de 75.800,00 €, reduceuse respecto o ano pasado debido a baixa no tipo de gravamen do 3% ao 2,5 % e posibles concesions de bonificacións do 95 % e consecuentes devolucións ,aínda que a recadación bruta no 2021 ascendeu a 142.114,09 € e as devolucións ascenderon a 38.795,19 € polo que a recadación neta foi no 2021 de 103.318,90 €.

**CAPÍTULO 3.** Os ingresos previstos por operacións correntes procedentes de taxas, prezos públicos e outros ingresos, calculáronse tendo en conta os dereitos que se prevén liquidar no exercicio actual, alcanzando un importe de 631.977,14 € , un pouco superior ao 2021 en base ao recadado do 2021.

**CAPÍTULO 4.** O total de ingresos previstos no Capítulo IV por transferencias correntes, prevese superior ao previsto no exercicio 2021 , como consecuencia do aumento da participación dos tributos do Estado e das transferencias para dependencia. As previsións do Fondo de Cooperación da Xunta de Galicia, así coma dunha serie de subvencións de carácter repetitivo e periódico manteñense como no exercicio 2021.

Estas subvencións, son as relativas ao sostemento do plan concertado de Servizos Sociais e Axuda no Fogar , AEDL. Tamén se incluíron do Plan Único 2022 da Deputación de Lugo para gastos correntes.

**CAPÍTULO 5.** Os ingresos patrimoniais proveñen de rendas de inmobles.

Seguidamente exponse a proposta deste Órgano en relación co **ESTADO DE GASTOS** no que se consignan créditos para atender os distintos servizos que presta o Concello, o desenvolvemento do cal a nivel de Capítulo é o seguinte:

STADO DE GASTOS		
RESUMO POR CAPÍTULOS		
CAPITULO	DENOMINACIÓN	EUROS
1	GASTOS DE PERSOAL	2.353.857,54
2	GASTOS CORRENTES E SERVIZOS	3.329.222,75
3	GASTOS FINANCEIROS	7.694,04
4	TRANSFERENCIAS CORRENTES	270.659,50
5	FONDO DE CONTINXENCIA	
6	INVESTIMENTOS REAIS	764.880,44
7	TRANSFERENCIAS DE CAPITAL	
8	ACTIVOS FINANCEIROS	
9	PASIVOS FINANCEIROS	11.317,73

### CONCELLO DE CHANTADA





## CONCELLO DE CHANTADA

<b>TOTAL DO ESTADO DE GASTOS</b>		<b>6.737.632,00</b>

**Capítulo Primeiro de Gastos de Persoal.** Prodúcese unha subida do 2% prevista na Lei 22/2021 ,do 28 de decembro ,de Presupostos Xerais do Estado para 2022.

**Capítulo Segundo, Gastos en Bens Correntes e Servizos.** Experimenta unha diminución debido principalmente a concesión de subvencións nominativas que non estaban previstas no 2021 de cultura e deportes . Tamen inténtase controlar os gastos que non sexan imprescindibles e obrigatorios para a Corporación.

Adáptanse ás necesidades do exercicio actual derivadas de incrementos dos prezos de subministracións (combustibles, enerxía eléctrica), obrigas de mantemento de edificios ou instalacións non existentes, contratos de prestación de servizos e xestión de servizos públicos etc.

**Capítulo Terceiro de Gastos Financeiros** experimenta unha diminución respecto ao 2021.

**Capítulo Cuarto, Transferencias Correntes.** Recóllense os créditos destinados a subvencións nominativas que ascende considerablemente con respecto a 2021 pola incorporación de subvencións nos programas de deportes e culturais que non estaban previstas no 2021 e a cota extraordinaria do Consorcio de Turismo Ribeira Sacra .

O desglose das subvencións nominativas a conceder recóllese nas Bases de Execución do Orzamento, así como a forma de xustificación de acordo coa Lei Xeral de Subvencións.

**Capítulo Sexto, Investimentos Reais.** Analízase con detalle no anexo de investimentos que como documento complementario se incorpora ao Orzamento.

Chantada, na data da sinatura electrónica no 2022.

O ALCALDE ,  
A/ Manuel L. Varela Rodriguez

**DOCUMENTO ASINADO DIXITALMENTE**

**CONCELLO DE CHANTADA**

Plaza de España, Nº 1, Chantada. 27500 Lugo. Tfno. 982440011. Fax: 982462102 concello@concellodechantada.org



Cod. Validación: 9NM7WY46QZ7ZJX2XXYG-JH-UQ05 | Corrección: https://chantada.sedelectronica.es/  
Documento asinado electronicamente desde a plataforma xestiona esPublico | Páxina 3 a 3